

佛三身贊

暨廣大
發願頌

蘇平知
和
PDG



我今稽首報身佛
湛然安住大牟尼
哀憫化度菩薩衆
處會如日而普照
三祇積集諸功德
始能圓滿寂靜道
以大音聲談妙法
普令獲得平等果







善財童子菩薩



來由佛善逝
具智慧方便
昔曾發誓願
度盡諸有情
佛得不動身
化重來三有
示天降出胎
菩提轉靜輪
由諸不智人
將得最惠趣
大悲遮心滅
故佛不涅槃
佛令諸弟子
念趣寂滅樂
心修遠離已
次乃說一乘
佛證菩提劫如塵
然此秘密未嘗說
慧母所生悲乳育
佛念世痴不入滅







莫徇今生樂

何所後代榮

誓捨危軀追勝義

咸希畢契傳燈情


流教喜茲辰

傳芳代有人

雪嶺開朝徑

萬死求一生





尚和老雲^上虛^下

這個癡漢有甚來由
 末法無端為何出頭
 嗟茲聖脈一髮危秋
 拋却己事專為人憂
 向孤峯頂直鉤釣鯉
 入大海底撥火煮漚
 不獲知音徒自傷悲
 笑破虛空罵不唧溜
 噫問渠為何不放下
 蒼生苦盡那時休
 幻遊比丘虛雲自題



佛三身贊

西土賢聖撰

西天譯經三藏明教大師法賢奉詔譯

法身

我今稽首法身佛 無喻難思普遍智
充滿法界無挂礙 湛然寂靜無等等
非有非無性真實 亦非多少離數量
平等無相若虛空 福利自他亦如是

報身

我今稽首報身佛 湛然安住大牟尼
哀憫化度菩薩衆 處會如日而普照
三祇積集諸功德 始能圓滿寂靜道
以大音聲談妙法 普令獲得平等果

化身

我今稽首化身佛 菩提樹下成正覺
或起變現或寂靜 或復往化于十方
或轉法輪于鹿苑 或現大光如火聚
三塗苦報悉能除 三界無比大牟尼

回向

如是佛身無漏智 我常信解淨三業
以無量慧大福行 一心垂憫諸群生
以今頌贊三身佛 所獲無漏功德種
願我速證佛菩提 盡引衆生歸正道

廣大發願頌

龍樹菩薩造

西天三藏傳法大師施護等奉詔譯

所有一切衆生類 過未現在世無盡 而諸佛刹廣無邊 彼無邊刹塵充滿
又一一塵爲一刹 廣大佛刹如塵等 一一刹中正覺尊 如塵無量我普禮
彼塵倍聚諸佛刹 刹中佛佛我稱贊 我常供養以一心 經如塵數廣大劫
頂禮諸佛及法衆 我于三寶常歸命 我悉持以諸妙華 及衆寶聚常普施
若我已起一切罪 我今普盡而懺悔 若我未生一切罪 我一切時常遠離
所有一切勝福事 我于一切常隨喜 此福回向于有情 及佛無上菩提果
如佛正法中所說 願力堅固復真實 我常供養諸世尊 願我最後得成佛
願我生生具深智 常如妙吉祥菩薩 悲心息苦救世間 願如觀自在菩薩

賢善愛眼視衆生	願與普賢尊無異	慈意善觀諸群品	願我常如慈氏尊
布施願如虛空庫	持戒願如神通慧	忍辱精進二度門	願我悉如常精進
定力能攝諸散亂	願我得如金剛手	善說十地諸法門	說智願如金剛藏
于佛世尊善請問	願我得如除蓋障	深心智慧具堅固	願我常如堅固慧
神通無礙善方便	願我得如無垢稱	善談衆生諸善根	勤勇願如常勇猛
善說波羅蜜等法	願我得如無盡意	具足無量妙音聲	願與妙音尊無異
近善知識心無懈	願我生生如善財	虛空無喻法能宣	願我得如虛空藏
地能長養諸世間	普利願如地藏尊	息除貧苦利衆生	願與寶藏神無異
語出無盡妙法寶	願我得如曇無竭	智慧堅利復常勤	願與常啼尊無異
此等最上諸佛子	最勝功德聚無邊	名稱廣大復無盡	願我名稱亦如是
我此稱佛功德聚	最上勝善極廣大	普願世間諸有情	住彼最勝功德聚

散脂大將



韋馱尊天菩薩

